



17141

I Mag. St. Dr.

P

kal. komp.

Schonei Andreas: Gratulatio ad Jll. et Rev.
D. S. Petrum Tylicki, Ep. Crac. in
primo episcopatus sui ingressu.

PANEG. & VITAE

Polon. 4^{te}

M 1045

Biblioteka Jagiellońska



stdr0002975

P. V. 42 g

Gratulatio.

Ad Illustriss. ac Reuerendiss. Dominum,

D. PETRVM TYLICKI,
EPISCOPVM CRACOVIE. DVCEM

SEVERIEN. ACADEMIÆ CRACOVIE.

Cancellarium Amplissimum,

In primo Episcopatus sui ingressu,

AB. ANDREA SCHONEO, SACRAE THEOL. ET
L. V. Doctore, Rectore & Vicecancellario Aca-
demie Crac. nomine eiusdē Vniuersitatis.

In aede B. V. Mariae 21 Martii, Anno D. 1607.

habita.



171415

CRACOVIAE.

In Officina Lazari, Anno Domini:

1607.

P. V. 42

R. J. F. J. W. d. Canonici Concursu, Juris.

AMPLISSIMO VIRO,
Petro Tylicki, Episcopo Crac.
ANDREAS SCHONEVS.



EDIT ITERUM AD TE
Gratulatio nostra, nuper coram te, in optatissimo tuo in Urbē hāc ingressu habita, nouo Schemate induta, id est Typis procussa; iterumq; tuo se patrocinio venditare, tuo honori applaudere gessit. Nihil in ea fucatum & uerbis, affectatum sententiis: sola candidæ fidei & ueritatis laude gloriatur. Nam & uita tua ab omni simulationis & ostentationis fuco & artificio semper fuit aliena: & hæc Dicitio nostra tantum abesse debuit à specie adulationis, quantum à necessitate. Neque nostri instituti fuit uirtutum tuarum Panegyricum canere, quæ erudita, quæq; ingenia infra se relinquunt, & quas satis ornatè laudauerint, qui eas fideliter percussuerint. Eadem quoq; opera tibi de Vicecancellariatu Academiæ mihi collato, gratias ago: neque tam de dignitate, quàm de iudicio tuo & singulari in me amore plurimum gaudeo. Accipe igitur hoc deuotissimæ uoluntatis qualecunque argumentum, & cogita, quicquid uerbis exprimitur, minus esse eo, quod animo concipitur, sed & animum à re ipsa uinci & superari. Viue Valeq; diu ac fœlix, Mæcenas amplissime, ac Schoneum bis tuum, & nunc, & prius, solitè beneuolentiâ complectere. E Collegio Maiori 23 Martii 1607.

GRA.

GRATVLATIO.



I VNQVAM ANTEA,
diuinæ benignitatis numen A-
cademiā nostram propius ad-
spexit, optatissimaque hili-
tatis & fælicitatis lux literis no-
stris clariùs affulsit, Illustrissi-
me Antistes; illa præcipuè fæ-
licissimo sidere exorta dies, incredibilem nobis
attulit voluptatis iucunditatem, in certamque di-
gnitatis amplificandæ spem animos omnium ere-
xit; quæ celebris fama, tuæ dignitatis prænuncia,
volucres mutuata discursus, mille sonora vocibus
percrebuit; te singulari Dei munere, æmulis Pon-
tificum Regumque studiis, virtutum tuarum ma-
ximis meritis, summa omnium læticiâ atq; Gratu-
tione, Episcopū Cracouiensē renunciatū esse. Cu-
ius lætitiæ gestientis, & exundantis, non eadem
fuit natura & conditio, quæ cæterorum gaudi-
orum esse consuevit: illa temporis spatio sensim
ac paulatim languescunt, franguntur, interci-
dunt; hæc mora & diuturnitate vires & ardorem
assiduè, acquirit, ita vt se capere nequeat, dedigne-

tur pectorū latebras, forasque erūpere eluctariq;
conetur. Vides quā amœnæ omniū facies, quā
amabiles vultus, quæ alacritas animorum, quæ at-
tonitarum mentium admiratio! vt in omnium o-
re, vultu, oculis, publicæ hilaritatis decus renideat,
& tacita animorum iudicia serenis frontibus quasi
prælegantur. Feliciores nos maioribus nostris:
quem illi assidue à Deo precati fuerant, eum nos
tandem aliquando consecuti sumus, imò melio-
rem te præstas quàm illi optauerant, omneque il-
lud minus est, quod mente & animo finxerunt,
eò, quod tu factis & rebus, ingenio & virtutibus, o-
stendis, exprimis, representas. Si enim vniuersæ vi-
tæ tuæ cursū mēoria repetere velimus, quid aliud
vita tua fuit, quàm omnis industriæ & veri laboris
curriculum, omnis virtutis atque dignitatis pale-
stra, omnis gloriæ atque laudis immortalis thea-
trum. Primam ætatem, in optimarum artium di-
sciplinis percipiendis; insequentem, in vtu & experi-
entiâ rerum colligendâ; mediam, in regū obse-
quiis, in negotiis ciuilibus tractandis; hanc ingra-
uescentem, in præcipuis, & amplissimis Ecclesiæ
& Reipub. muneribus atque dignitatibus sustinen-
dis, gloriose ac feliciter exegisti. Nulla doctrina e-
legantior

legantior, nulla scientia grauior, quam non ingenio & industriâ comprehendisses: neque tantum iis studiis, quibus ad humanitatem informamur, sedulam impendisti operam; sed & per reconditas Philosophorû subtilitates penetraſti; ita tamē, vt earum modum vtilitate definires: neque tam literas, quam literarum fructum conſectarēre. Digreſſus à ſcholis, tanquam ex vmbra in ſolem, leges, & conſuetudines patriæ cognoſcere, negotiorum varietatem atque multitudinem notare, mores & ingenia hominum cognoſcere caſiſti; quod vt facilius conſequi poſſes, magno illi Ioanni Zamoyſcio te in familiaritatem aggregaſti, à quo omnem diſciplinæ Ciuilis rationem, vſu & rerum tractatione perdidiciſti. A quo, quaſi de manu in manum Regi Stephano traditus, ita ſapientiſſimo regi, fidē, indiſtriā, dexteritatē, prudentiāq; tuā probaſti; vt cū aliorū cōpluriū opera, & ſedulitate vteretur; integritati ac fidei tuæ, grauiffima quæque negotia cōmitteret; intimorūq; conſiliorū, omniūque arcanorū, te conſciū atque participē faceret. Itaq; omnes tui ornandi occaſiones quæritans, primo quoque tempore, magni Secretarii munus, munus amplum, & primis proximis

quod qui virtute & ingenio consequi nequeunt,
ambitione & eblanditis fauoribus eunt quæsitū,
maiore etiam sua quàm tuā lætitiā tibi detulit. am
plis quæ sacerdotiis fere vno eodemque tempore te
cohonestauit. Eadem acie mentis Religiosissimus
Rex Sigismundus, virtutes tuas perspexit, eadem
iudicii trutina tua merita ponderauit, pari volun
tate sed maioribus occasionebus te in maius extu
lit atque illustrauit: qui per omnes fere honorum
apices te gradatim attollendo, tot infulis insigni
endo, conquiescere nequiuit, ac suo in te amori
satisfacere, donec te in principe Ecclesiæ Cathe
dralis Cracouiensis folio collocatum videret. Nā
primò Referendariū, deinde Procancellarium re
gni te creauerat: præterea, ad inclytas Episcopas
Culmensē, Varmiensē, Cuiaviensē, magna ala
critate euexerat. Quibus omnibus in muneribus
atque dignitatibus, ita grauitè & constanter, inte
grè & incorruptè te gessisti; vt quò maior esset di
gnitas & magistratus, eò maior in te virtus eluce
ret, neque quisquam de te tanta conceperit, quin
tu maiora semper præstiteris. Nulla res fuit tantis
difficultatibus abstrusa, quam non ingenio & indu
stria sustinueris: nulla causa tam anceps & dubia,
quam

quam non consilio & prudentia expediueris: nullum malum tam latens & occultum, quod non antè præiuderis, & ratione depuleris. nihil deniq; magnum hos triginta ferè annos, sine te in Rep. actū & transactū fuit. Non negotiorum multitudine obrui, varietate confundi, magnitudine delassari potuisti: omnia alacriter aggrediebâre, fideliter exequere, constanter conficiebas, in opere & negotio assiduus, ut omnia pænè propriis oculis & auribus lustrares, cognosceres, & quietem remissionemque animi, mutationem laboris censeret. Quid de inconcusso solidæ mentis robore, & summa iustitiæ tuæ laude dicamus? semper publici iuris fidelis administer ac legum æquissimus custos extitisti: nullius autoritate perfringi, nullius gratiâ inflecti, nullius precibus permulceri, nullius callidis persuasionibus expugnari vnquam potuisti; adeò, ut facilius foret Solem à suo cursu reuocari, quàm te ab incorrupta iudiciorū religionē dimoueri. Accessit mira naturæ benignitas, comitas, facilitas, in admittendo mora nulla, audisti statim, dimisisti statim, audiebas attentè, respondebas beneuolè, promisisti hilariter, recusasti verecundè, cum mitibus leniter, ferocibus acriter, cum simplicibus a

bus apertè, cum versutis cautè & circumspectè egi-
sti. Si dicenda erat Sententia in Senatu, si princi-
pum externorum Oratoribus responsa danda fue-
rant; quæ Orationis dignitas? qui verborum lepos?
quæ grauitas Sententiarum? quæ in vultu, oculis,
totoque corpore fides & veritas? Nemo melius
præteritorum recordabatur, nemo præsentia con-
sideratiùs examinabat, nemo futura sagaciùs præ-
uidebat; vt in nullius, quàm in tuam sententiam
crebriora fierent decreta atque iudicia. Nòrant e-
nim ciues tui, eximium tuum in patriam amorem,
inoffensam rerum experientiam, integritatem, &
constantiam; nòrant te nunquam affectum in con-
siliu adhibere, nec priuatis calculis publicas rati-
ones subducere; sed te id semper sentire, consulere,
quod Reipublicæ esset vtile, & quod lex & religio
iuberet. Quæ raræ virtutes tuæ, tantam tibi apud o-
mnes authoritatem pepererant; vt amplissimi Or-
dinis animos quocunque velles inclinares, & cæ-
teri à te dissentire erubescerent. Atque dū ita Regi-
bus alacrem & promptam operam præstas, publi-
ca munia summa fide industriaque tractas, vniuer-
saque Respublica in tua fide, vigilantia, virtute, &
prudentiâ, conquiescit; non tamen Ecclesias tuas
quibus

quibus summo cum imperio præeras, curâ & sollicitudine destituiſti, eas orbas & viduas reliquiſti; ſed ſubinde ad ea prouidentia tuæ oculos cōuertitiſti illarū dignitati & vtilitati proſpexiſti, ac viros diſciplinâ ſapiētes, virtute cōſtātes, auctoritate graues, maturos iudicio delegiſti, qui tua vice fungerētur ac in eam rē diligenter incumberent; ne quid religio detrimenti caperet, ne mala hæreſum contagia ſerperent; vtque vitiorum ſtirpes eliderentur; ac virtutum pietatiſque ſemina reſfloſcerent, atque aſſurgerent; Libertatem Sacri Ordinis animo ſe vindicaſti: Tempſa ex manibus Hæreticorum eripuſti, ac omnibus impietatiſ erroribus perpurgaſti: bona ab Eccleſiis auulſa & abſtracta, ad vetuſt Chriſti patrimonium ſtudioſe reuocaſti: miſerum, attritum & exhaustum Colonorum genus, liberaliſſimiſ ſubſidiis, memorabili exemplo & ſerè ſine exemplo ſubleuaſti. Quæ res, vt minus inter homineſ oſtentationiſ & gloriæ populariſ, ita apud Deum in cæliſ ampliſ præmiuſ habet conſtitutuſ: tuque omnia, quæ benigne faciſ, ſoli Deo & vſibuſ humaniſ imputaſ, & præcipuam beneficii gloriā putaſ, feciſſe, & iuiſſe. Quæ cauſa fuit, cur te Deus tot, & tam in diuerſiſ lociſ, Ec

B cleſiarū

clesiarum gubernaculis præfecerit; vt solis instar,
non vnā partem Sarmatiæ, sed pænè vniuersam
beneficiæ, vigilantia, ac sapientiæ tuæ luce
perfunderes, foueres, & recreares, ac compluri-
bus salutiferam opem & incolumitatem afferres.
Quis igitur de tanto Antistite, tot dotibus insigni,
tot dignitatibus aucto, tanta rerum gestarum glo-
ria illustri, non gaudeat & triumphet? non Eccle-
siæ & Reipublicæ plurimùm gratuletur? non om-
nia fausta atque fælicia certa animorum præsagiti-
one præsumat? Quocirca & nos sapientiæ docto-
res, inter hos multiformes lætantium status, cer-
tantibus votis tibi gratulamur, & omnia auspica-
ta, fortunata, secundis ominibus conprecamur.
Neque tantopere gestimus atque lætamur, quòd
tantum honorem sis consecutus, sed idcò magis,
quod vt eum consequeris, iam olim merueris. Ita
que antequam esses Episcopus, iam eras: cras in
iudiciis hominum, in votis cunctorum, præcesse-
runt iudicia, suffragia, desideria electionem, meri-
ta authoritatem & confirmationem. Neque tam
tibi dignitas noua obtrigit, quæ te augustiorem &
venerabiliore redderet, quàm tu dignitati diuinitus
datus es, qui ad eam omnia summa virtutum or-
namenta

namenta attulisti, plusque decoris & splendoris ei
impertitus, quàm ab ea acceperis, maioribusque
beneficiis eam tibi obligaturus, quàm illi obstri-
ctus futurus. Cedent inuicto animi tui robori, &
constantiae omnia dura & aspera, nihil virtuti tuæ
inuium & impeditum; authoritate & sapientia
superabis & conficies omnia, & quo maiora antea
à te gesta sunt; eò altiora cogitabis, & magis admi-
randa perficies. Neque ab aliis discere oportebit,
quibus artibus & præsiidiis magna conseruentur,
parua augeantur, nutantia fulciantur, lapsa eri-
gantur, tu tibi solus sufficies ad exemplum & glo-
riam: te tibi igitur imitandum propones, tecum
certabis, te in consilium semper adhibebis; & ita
in nullo negotio hærebis, titubabis, errabis. Cum
verò more velocissimi syderis, omnia inuiseris &
lustraueris, & quasi vndecunque inuocatum nu-
men omnibus rebus præsens fueris, ad nos quoque
plenissimos humanitatis & beneuolentiæ tuæ ocu-
los conuerte, hancque scholam Cracouien. om-
nis doctrinæ & virtutis parentem, quæ te feliciter
educauit, & omni sapientia in spem maximorum
honorū erudiuit, in fidem, tutelam, & patrociniū
tuum ornandam & dotandam accipe. Succurre

litteris laborantibus, erige & foue ingenia, quæ solus fauor ostendit, solus ornat, solus sustentat, sola liberalitas alleuat, inter obices & angustias non emergunt. Nactus es campum de Republica litteraria benemerendi: affecutus es, vt quantum antea Academia prodesse velles, tantum nunc possis. Tantum ergo nunc velis, quantum possis, accedat heroica voluntas opulentæ facultati. Hæc tibi à maioribus relicta est gloria, hanc famam præripe posteris: nihil ad laudem amplius, nihil ad gloriam illustrius, ad salutem & dignitatem certius facere poteris: eiusque facti admirandi famam stupebunt exteri, posteri admirabuntur, & omnes consequentes anni immortalitatis laude perenni excipient. Nos verò artes eruditæ summa æmulatione propagabimus, virosque ingenio acres, virtuteque integros, ad omnia munia Ecclesiæ & Reipublicæ formare & perpolire connitemur: tibi que potissimum literæ nostræ seruiant ac militabunt. Quod quidem ducentos amplius annos gnauiter præstitimus semper, nullaque pars Reipublicæ, nullus ordo & status, nostræ institutionis beneficio caret: Sed quicquid hîc doctrina limatū, humanitate excultū est, ab hoc ferè fonte profluxit.

xit. Deus verò immortalis, qui te virtutum tuarum quasi manibus in hac sublimi Ecclesiæ ac Reipublicæ vigilia, & custodia collocauit, seruet mentem quam dedit; det vitam diuturnam quam mereris; omnibus consiliis tuis secundum ac ferentem ventum adspiret; actiones & conatus tuos, fælici exitu concludat; tuæque dignitati omnem circūfundat gloriam, & fælicitatem; vt & Respublica, tua sapientia, virtute, auctoritate, discussis dissensionum procellis, tranquilla pace fruatur; Ecclesia omnia dignitatis atque libertatis decora atque præsidia recuperet & tueatur: hæcque Academia nostra, maioribus industriæ solatiis aucta, nouisq; honoris & liberalitatis accessionibus cumulata, exterarum quasque scholas omni ingenii & humanitatis cultu prouocare possit, vberioresq; fructus in omnem genus mortalium diffundat. In quo optatissimo omine desinimus, nosq; cum studiis nostris tuæ fidei, tutelæ, patricinio atque liberalitati tradimus, deuouemus, atque diligentissime etiam atque etiam commendamus.

FINIS.

BIBLIOTH. UNIV.



JACQUES MARE

FINIS



